

DARI SEBULAN KE SEBULAN

Pembaca-pembaca majalah ini tentu telah membaca sebuah buku karangan Ahmad Lutfi bernama “Geylang Serai Karam” yang di dalam pendahuluannya membantah *trade fair* di Kebun Ubi itu dijadikan taman hiburan. Kesudahannya sebagai langkah pertama, dengan bantahan-bantahan yang keras taman hiburan gagal. Demikian juga yang kedua tetapi sekarang sesudah Kampung Geylang itu menghadapi kekaraman yang sebenar pada setahun yang lalu akibat banjir maka maka di atas tempat-tempat yang karam itu pula telah dipersetujukan sampai taman hiburan itu dibuka – ringkasnya pembukaan telah diluaskan

Sebagai mana permulaan dahulu bantahan itu didatangkan berdasar kepada pandangan bahawa terbukanya taman hiburan itu adalah akan menambahkan kerusakan akhlak penduduk-penduduk kampung di situ, dan juga itu sebagai tambahan kepada yang keadaan-keadaan yang ada berlaku di sana sekarang yang sukar pula dipertahankan. Bantahan-bantahan sekarang adalah lebih hebat dari dahulu lagi di dalam mana UMNO Ranting di seluruh Geylang telah memajukan bantahan. Bantahan mereka nampaknya tidak mendapat perhatian daripada pihak yang di atas. Orang-orang UMNO yang membantah nampaknya tidak sekata sebab UMNO bahagian membayarkan sahaja Ranting-rantingnya berjalan sendiri sedang Ranting-rantingnya pula telah mengeluarkan tuduhan-tuduhan bahawa Bahagian tidak mengambil endah – sebab-sebab kata mereka di sana ada segelintir manusia yang di dalam perkara ini mencari peluang untuk faedah mereka sendiri dengan menjauhkan maslahat Ranting-ranting di situ.

* * *

Juga dalam perkara ini perasaan tidak puas

hati dikenakan telah timbul kepada A. Abdul Hamid Jumat Menteri Tanah dan Perumahan Singapura dengan sifatnya sebagai ketua UMNO Bahagian dan sifatnya sebagai calon Ulu Beduk yang dipilih oleh orang-orang di kawasan itu.

Sebagai sifatnya ketua UMNO sepatutnya ia hendaklah menyiasat dan mengusahakan kemahuan Ranting-ranting UMNO yang berkenaan – jangan hanya mendengar pendapat segelintir manusia yang tidak mempunyai pekerjaan yang tetap dari dahulu untuk mencari peluang mendapat hasil-hasil yang tertentu kalau taman hiburan itu dibuka yang dipandang boleh atau harus merosakkan kesejahteraan penduduk-penduduk Geylang seraya umum yang telah bekerja keras menegakkan UMNO di Singapura ini khususnya di dalam pilihan raya dahulu.

Sebagai sifatnya orang yang dipilih oleh nadi-nadi daerah itu yang tatkala meminta supaya ia disokong dengan pengakuan yang akan menumpahkan segala usaha untuk kebijakan daerah itu, dengan berkata pula “kakinya” supaya menghapuskan penjahat dan kapitalis maka ia seharusnya menuaikan janjinya bekerja dengan bersungguh-sungguh menuaikan janjinya menyampaikan hajat dan kemahuan orang-orang yang mencalonkan dengan menolak langkah kapitalis yang menggunakan wangnya mencari keuntungan dengan merosakkan masyarakat di daerah itu.

Ia harus bekerja dengan bersungguh-sungguh menyampaikan kemahuan rakyat di sana sampai hal mereka diperhati – jangan keberatan mereka itu yang telah disampaikan kepada Setiausaha Kerajaan tidak di ambil endah sama sekali.

Sekiranya orang-orang di daerah itu mendapat adanya demikian sayogianya sekiranya taman hiburan jadi pula

dibuka di sana, hendaklah mengumpul seberapa banyak tandatangan melucutkan jawatan. Ahmad Jumat yang telah dipandang mungkir janjinya itu ataupun orang yang boleh dipandang lepas jabatan tongkah dilepaskan.

* * *

Selain daripada itu kerajaan Singapura (khususnya City Council) hendaklah memerhatikan hal-hal yang patut diperhati! Berkali-kali langkah itu dicuba berkali-kali pula penduduk di sana membantah. Adalah karut pengakuan kerajaan Buruh di Singapura yang mengakui bekerja kerana mengawal. Maslahat rakyat sekiranya hal-hal kesejahteraan rakyat tidak dikawal adalah karut atau hanya topeng semata langkah-langkah kerajaan mengadakan Atni Bias (Atni persundulan) sekiranya jalan-jalan yang membawa atau mengalirkan kepada persundulan itu tidak dihalang malah ditambah dengan mengadakan suatu taman hiburan di tengah-tengah suatu masyarakat yang memandang berbahaya kedudukan mereka. Apakah ertinya sebuah kerajaan kalau tidak menjauhkan masyarakat-masyarakat dalam tiap-tiap sendinya terjauh daripada persundulan yang berbahaya itu? Jawabnya tentulah terang – kerajaan yang didirikan itu hanya namanya dari rakyat tetapi sesudah mereka dipilih oleh rakyat terus membelakangkan maslahat rakyat. Bohong semata kalau dikatakan kerajaan dari rakyat kalau maslahat dan keselamatan rakyat tidak dikawal, dan umat di dalam kejadian-kejadian yang serupa ini mesti beringat-ingatlah kepada janji-janji kosong mereka yang menduduki kerusi-kerusi rakyat itu.

Patut diingat bahawa rakyat umumnya di daerah itu tidak

reda taman hiburan diadakan di sana dipaksakan kepada mereka sampai taman hiburan itu dibuka sekiranya penolakan rakyat di situ difikirkan maka kita takut kelak harus ada perkara-perkara yang tidak

digemari akan berlaku jika terjadi demikian maka tidaklah ada lagi gunanya.

* * *

Rundingan yang diadakan oleh Tengku dengan Chin Peng

berkenaan dengan pengampunan beramai-ramai itu telah gagal. Lama dahulu, sebelum diadakan perjumpaan itu sebagai ikhtiar Tengku untuk menamatkan darurat di Malaya telah menyatakan jika hasil daripada perjumpaan itu gagal, iaitu Komunis akan meneruskan juar perjuangannya maka Tengku akan mengadakan kerahan am untuk menghapuskan Komunis itu. Sekarang sudah terang bahawa Komunis akan meneruskan perjuangan makan sudah tentu kerahan am yang dijanjikan oleh Tunku itu akan diusahakannya supaya dapat dijalankan. Sekiranya tidak, bermaknalah tiap-tiap perkataan Tunku itu tidak dapat dipertanggungjawabkan.

* * *

“Dua Tokoh Besar Telah Bertemu di Baling” – kata

rencana pengarang akhbar melayu tempatan Singapura tatkala menyebut perjumpaan di antara Tengku Abdul Rahman Putra dengan Chin Peng di Baling. Dua tokoh besar ertinya harus sama taraf di dalam perjumpaan itu atau dengan lain perkataan bahawa akhbar itu harus mengiktiraf Chin Peng setaraf dengan Tengku juga ia memandang bahawa Chin Peng itu satu tokoh besar harus maksudnya seseorang pemimpin yang diiktiraf berjasa kepada rakyat yang beragama negara ini. Kalau benar telahan ini – Ya, Bung. T.S.T. saja.

Tengku pula lain pandangannya. Beliau memandang bahawa

perjumpaan dengan Chin Peng itu tidak setaraf. Pandangan Tengku ini menjadikan pula sebahagian orang hairan bagaimana tidak setaraf duduk sama rendah berdiri sama tinggi pada hal Tengku bermesyuarat semeja dan sekedudukan. Untuk menjawabnya lebih tepat tentu Tengku sendiri yang

boleh menerangkannya duduk bercakap semeja, Bung,
tentunya setaraf bukan?

* * *

Sesudah peristiwa perjumpaan dengan Chin Peng yang ‘dibeliaukan’ oleh akhbar tempatan itu Tengku telah pergi ke London dengan rombongannya untuk menentukan tarikh kemerdekaan bagi Malaya. Permergian ini adalah diperhatikan oleh orang-orang yang di luar dari UMNO yang khuatir kalau-kalau nanti kemerdekaan diperoleh yang untung hanya anak-anak dagang. Keadaan ini akan dapat ditentukan hanya sesudah kita mendapat kesan yang nyata daripada pemergian Tengku itu. Sebahagian pihak berpendapat sangat senang memberi fikiran sebelum mereka balik dan kerana itulah di sini tidak dapat pula diberi fikiran-fikiran yang segera dalam perkara ini.

* * *

Dalam pelayarannya ke London tatkala tiba di Ceylon Tengku Abdul Rahman tatkala bersenda-senda di dalam jamuan mengetawakan dua wartawan yang mengikutnya yang telah kena mabuk laut yang dengan sebabnya dikatakan telah mengamanahkan Tengku daripada “dikacau” mereka. Sebenarnya sungguh untung bagi Tengku wartawan-wartawan itu cukup mabuk kerana jika setengah-setengah mabuk ia mengacu Tengku sudah tentu tulisan yang dikirimnya pun harus tidak berhujung dan tidak pula berpangkal sebab mereka tidak tahu lagi apa yang ditulisnya. Sepatutnya Bung wartawan yang mengikut Tengku itu belajar dahulu cara belayar di laut sebab dengan kerana mereka mabuk terpaksa harus banyak peluang yang hilang yang mustahak diberitakannya. Adakah kesan mabuk lautnya akan memabukkan pula penanya?

* * *

Orang-orang tertanya-tanya tentang keterangan Tengku dalam rundingan “merdeka” di London yang dikatakan berkata bahawa ia membawa bulat kata dan satu fikiran dari Malaya. Pertanyaan itu terbitnya dengan orang ramai mengetahui bahawa Sultan

Johor sudah tidak puas hati kepada langkah-langkah Perikatan terutamanya atas “kecerobohan” anak buah Tengku di Johor yang cuba menutup mulut Sultan. Dengan ini maka mereka bertanya bila pula datangnya “kata sepakat” itu?

* * *

Nyonya Seraj dari Persekutuan Pemuda Islam dan Cik Hamidah dari kaum ibu UMNO Singapura yang ribut-ribut mau kerusi di Majlis Appeal Mahkamah Syariah Singapura sampai sekarang sunyi – tidak memberi calonnya siapa wanita yang hendak dikemukakan yang berilmu dalam agama yang boleh didudukkan di dalam mahkamah Appeal itu. Mudah-mudahan mereka sendiri ke tengah dan kalau sudah berani ke tengah bolehlah orang ramai mengadakan majlis soal jawab mengukur sampai ke mana ilmunya di dalam agama mengenai hukum-hukum kahwin dan cerai yang berdasarkan kepada Quran dan Hadis. Kalau betul berilmu, neng silakan ke tengah kata setengah-setengah orang.

* * *

Setiausaha Majlis Islam Penasihat Kerajaan telah memberi kenyataan di dalam akhbar bahawa ia tidak berpuas hati atas teguran majalah Mingguan Agama (harus yang dimaksudkannya bulanan Qalam) yang mengatakan ada sebahagian daripada ahli-ahli Majlis itu “buta kayu dalam agama.” Nampaknya tuan setiausaha cuba menafikan “kenyataan” yang sebenar. Jika betul semua ahli-ahli Majlis itu, kata setengah-setengah orang, tidak buta kayu dalam agama sebaik-baiknya setiausaha itu berhubung dengan pengarang majalah ini meminta nama-nama siapa yang dipandangnya “buta kayu” itu kemudian adakan majlis bahas untuk menguji kebolehan orang itu. Mereka mahu tahu pula bagaimana pendapat tuan setiausaha Majlis Islam penasihat kerajaan itu? Bolehkah mereka mengunjurkan majlis bahas seperti itu?